

福建版本志卷二

經部

周易兼義九卷釋文一卷畧例一卷魏王弼注唐孔穎達正義詁宋樓藏書志云明閩刊本藝風藏書續記云明大理太和李元陽世稱中溪先生爲楊升庵之畏友於巡按福建時所刊謂之閩本又謂之九行本北監與汲古所刊皆從之出

案兼義謂兼正義非單注也

周易解石介著經義攷云宋志作口義建本作解義

周易程朱傳義二十四卷明刊本每卷末均有巡按福建監察御史古澄校刊長方木記

童溪王先生易傳天祿琳瑯書目云宋王宗傳撰書三十卷自序後有墨印三一日建安劉日新宅鋟梓於三桂堂

易翼傳二卷處州鄭汝諧著經義攷引鄭如岡跋云先君玩大易之理誦福建版本志

經部

易傳之辭研精覃思凡數十年而後就歲在壬辰如岡持節閩嶠以藁本求是正於西山真君貳卿且論敘於篇首公不靳淵源之論爲之發揮是歲仲夏刻於漕司之澄清堂鄭陶孫跋曰後六十年陶孫勸學七閩訪澄清堂板已罹兵燬

周易經傳集程朱解附錄纂註十四卷題鄱陽後學董真卿編集元元統二年其子僎跋而刻於閩

周易本義通釋十二卷新安胡炳文著

明嘉靖刊本

善本書室藏書志云是書

原本殘闕九世孫珙雜採他書所引舊說補完別輯雲峰文集中易義一卷嘉靖元年知邵武府事潘旦命鄧教諭杞校而傳之

易經蒙引十二卷晉江蔡清著是書虛齋子存遠於嘉靖八年進呈奉旨發委建陽縣書坊刊刻

附釋音尙書註疏二十卷

宋刊本

鐵琴銅劍樓藏書目錄云此卽世所稱十

行本岳氏經傳沿革例所謂建本有音釋註疏也

尚書注疏二十卷

明閩刊本

亦福建巡按李元陽所刊九行本

禹貢山川地理圖二卷宋程大昌著文獻通攷云圖三十一淳熙四年詔付秘閣舶使彭椿年嘗刊於泉州學宮儀顧堂題跋云程尚書經進禹貢論二卷後論一卷禹貢圖二卷影寫宋刊本後有淳熙辛丑承議郎提舉福建路市舶彭椿年序淳熙辛丑迪功郎充泉州州學教授陳應行跋此從淳熙辛丑泉州刊本影寫三十一圖完具與書錄解題合誠可寶也尚書精義五十卷宋黃倫著善本書室本有淳熙庚子臘月朔旦建安余氏萬卷堂謹書畧云是書余得之不敢以私敬鋟木與天下共之

案余氏已詳總考

纂圖互注尚書

六冊函本

天祿琳瑯書目云漢孔安國傳序唐陸德明音義書

十三卷麻沙本闕筆至惇字乃光宗時刊

書蔡氏傳輯錄纂註六卷

元刊本

元鄱陽董鼎輯錄纂註末葉後半葉有建

安余氏勤有堂刊八字篆書墨圖記卷末有男真卿編校姪濟卿登卿同

福建版本志

經部

二

校建安余志安刊行三行天祿琳瑯書目云書中宋諱皆不缺筆

毛詩注疏二十卷

明閩刊本

亦九行本福建巡按李元陽所刊

呂氏家塾讀詩記

二函六冊

宋呂祖謙撰三十二卷前朱熹序後尤袤跋天

祿琳瑯書目云宋巾箱本每版十四行十九字或即尤跋所云建甯刻也

詩義斷法五卷不著撰人名氏四庫全書總目云卷首有建安日新堂刊

行字又有至正丙戌字蓋元時所刻

周禮二函十二冊

宋版經部

漢鄭康成注唐陸德明音義十二卷天祿琳瑯書

目云宋岳珂相臺書塾刊正九經三傳沿革例云世傳九經自建蜀京杭

而下有建余氏本分句讀稱為善本云云此書每卷後或載余仁仲比校

或余氏刊于萬卷堂或余仁仲刊于家塾所謂建余氏也句讀處亦與所

言相合又卷末各詳記經注音義字數點畫完好紙色俱佳

周禮注疏四十二卷

明閩刊本

亦李氏元陽所刊善本書室藏書志云宋槧余

仁仲本周禮經注每卷末分記經注音義字數每葉二十行因每半葉十

行故今稱十行本以別於閩監毛注疏本

纂圖互注周禮十二卷題漢鄭氏注宋刊百宋樓藏書志云此南宋麻沙本每半頁十二行每行二十一字注小字雙行行二十五字

周禮句解十二卷宋刊題魯齋朱申周翰鐵琴銅劍樓藏書目錄云此麻沙本刻於宋末其序官皆刪去

周禮集說十一卷復古編一卷明刊元陳友仁編鐵琴銅劍樓藏書目錄

云明成化間閩撫張瑄刻於建陽書院

儀禮注疏十七卷明刊亦李氏元陽所刊

儀禮圖二函十四冊宋版天祿琳瑯書目云宋楊復撰是本序後刻崇化

余志安刊于勤有堂按宋版列女傳載建安余氏靖庵刻于勤有堂乃南北朝余祖煥始居閩中十四世徙建安書林習其業二十五世余文興以舊有勤有堂之名號勤有居士蓋建安自唐爲書肆所萃余氏世業之仁仲最著岳珂所稱建余氏本也

福建版本志 經部

三

又嘉靖刊本儀禮注疏十七卷明汪文盛高澂傳汝舟編校善本書室藏書志云每半葉十行似宋刊十行本汪文盛崇陽人嘉靖初出知福州傳汝舟編次其詩集此書當在福州所刊也

纂圖互注禮記二十卷禮記舉要圖一卷題漢鄭氏注宋刊百宋樓藏書志此南宋麻沙本鄭注下附陸氏釋文釋文之後爲重言重意重言者其文同也重意者其意同也讓字缺筆蓋孝宗時刊本也字體與三山蔡氏陸狀元通鑑北史新唐書同當是麻沙本之最精者

禮記二函十六冊宋版天祿琳瑯書目云鄭康成注附音義二十卷每卷末刻經若干字注若干字音義若干字按每卷有余氏刊于萬卷堂或余仁仲刊于家塾或仁仲比較訖九經三傳沿革例云九經本自監蜀京杭而外有建余氏本分句讀世稱善本仁仲卽其人也

芸閣禮記解十六卷直齋書錄解題云秘書省正字京兆呂大臨與叔撰案館閣書目作一卷止有表記冠昏鄉射燕聘義喪服四制凡八篇今又

有曲禮上下中庸緇衣大學儒行深衣投壺八篇此晦庵朱氏所傳本刻之臨漳射垛書坊稱芸閣呂氏解者卽其書也續書目始別載之

禮記集說十六卷善本書室藏書志云是書有元刊本爲天曆戊辰建安鄭明德宅刊行

禮記注疏六十三卷明閩刊本亦李氏元陽所刊惟每葉中縫著記疏字尙是十行本舊式

又嘉靖閩刊本禮記集說三十卷序目後載嘉靖十一年十二月日福建等處提刑按察司牒建甯府云爲書籍事照得五經四書士子第一切要之書舊刻頗稱善本近時書坊射利改刻袖珍等版欸制褊狹字多差謬如異與譌作異語由吾譌作猶吾之類豈但有誤初學雖士子在場屋亦譌寫被黜其爲誤亦已甚矣該本司看得書傳海內版在閩中若不精校另刊以正書坊之謬恐致益誤後學議呈巡按察院詳乞會督學道選委明經師生將各書一遵欽頒官本重複校讐刻成合發刊布爲此牒仰本

福建版本志

經部

四

府著落當該官吏卽將發去各學轉發建陽縣拘各刻書匠戶到官每給一部嚴督務要照式翻刊縣仍選委師生對同方許刷賣書尾就刻匠戶姓名查考再不許故違官式另自改刊如有違謬拿問重罪追版剗毀決不輕貸仍取匠戶不致違謬結狀云云

春秋經一卷建陽朱熹刊本直齋書錄解題云朱子所刻於臨漳四經之一其於春秋獨無所論著惟以左氏經文刻之

春秋經傳集解二函十五冊晉杜預集解三十卷自序天祿琳瑯書目云相臺書塾刊正九經三傳沿革例云世所傳九經有建余氏興國于氏二本皆稱其善而廖氏以余氏不免誤矧于氏未爲的當合諸本參訂爲最精版行之初天下寶之又云廖本春秋無年表歸一圖此書每卷末有木記曰世綵廖氏刻梓家塾爲長方橢圓亞字諸式具篆文八分而不載年表歸一圖蓋岳珂所稱者卽爲此本考中興藝文志載世綵堂集三卷稱政和中廖剛曾祖母與祖母享年最高皆及見五世孫剛作堂名世綵以

奉之士大夫爲作詩又趙均石蹟記廖瑩中刻世綵堂帖瑩中名玉號羣玉爲賈似道客周密癸辛雜識載賈廖刊書一條云廖羣玉諸書九經本最佳凡以數十種比較百餘人校正而後成以撫州草鈔紙油煙墨印造其裝褫至以泥金爲籤則其貴重可知矣

春秋經傳集解四函三十一冊宋版經部天祿瑯瑯書目云杜預集解附音義書三十卷前預自序春秋諸國地理圖三皇五帝三代春秋諸國世次春秋名號歸一圖諸侯興廢春秋總例春秋始終春秋傳授次第總名爲春秋圖說後預自序按名號歸一圖五代馮繼先撰諸國地理圖取之宋偽蘇軾地理指掌圖中餘不知撰自何氏宋麻沙本末刻印記云謹依監本寫作大字附以釋文三復校正刊行如履通衢了亡室礙誠可嘉矣兼列圖表于卷首淳熙柔兆涒灘中夏初吉閩山阮仲猷種德堂刊據此則岳珂謂監本釋文自爲一書益信而明代傳刻附入釋文者皆沿麻沙而非宋監本之舊宜字句之多舛耳

福建版本志

經部

五

春秋名號歸一圖二卷宋刊本蜀馮繼先撰鐵琴銅劍樓藏書目錄云此書原本多錯譌相臺岳氏合京杭建蜀諸本重加刊定此本淳熙二年閩阮仲猷刻即依岳氏原本

案此天祿瑯瑯書目所載春秋經傳集解四函三十一冊本中之一種非全書也

宋本附釋音春秋左傳註疏六十卷九經三傳沿革例稱爲建本

春秋傳三十卷崇安胡安國著善本書室藏書志云元刊小字本當因元代科舉春秋之學惟重安國與張洽二家厥後張微胡盛麻沙坊刻多所增加以備程式之用

春秋左傳注疏六十卷

明閩本

亦李氏元陽所刊

春秋師說天祿瑯瑯書目云元趙汭撰字子常休甯人洪武二年召修元史乞還卒書凡三本麻沙小字本

宋本詳註東萊先生左氏博議二十五卷十二冊四庫全書總目云觀其

標題板式蓋麻沙所刊

春秋公羊注疏二十八卷

明刊校宋本

亦李氏元陽所刊

春秋穀梁注疏二十卷

明刊本

亦李元陽所刊

孝經注疏九卷

明刊本

亦李氏元陽所刊

爾雅注疏十一卷亦李氏元陽在閩所刊

大學衍義四十三卷師友集云周鳳雛字景清號儀軒浦城人嘗校刊是書里黨稱之

宋本論語註疏解經二十卷十冊楹書隅錄云十行本各經注疏明中葉以前其板猶存南雍阮文達公以爲卽岳珂九經三傳沿革例所載之建本附釋音註疏而顧澗蒼居士則謂原出宋季建附音本元明間所刻正德以後遞有修補

論語注疏解經二十卷

明刊本

亦李氏元陽所刊

孟子注疏解經十四卷

明刊本

亦李氏所刊

福建版本志

經部

六

四書合刻三十六卷大學中庸或問二卷藝風堂藏書續記云明巡按福建監察吉澄校刊四書末葉或問末葉均有牌子兩行

四書通二十六卷

元刊本

元胡炳文編前有泰定戊辰甲子兩自序及新安

張存中跋跋云泰定三年奉浙江儒學提舉志行楊先生命以胡先生四書通委令資付建陽縣書坊刊印志安余君命工繡梓三稔始就云云

重訂四書輯釋二十卷元倪士毅著四庫全書總目存目云此書至正辛巳刻於建陽越二年又加刊削而汪克寬爲之序卷首有士毅與書賈劉叔簡書述改刻之意甚詳

大戴禮記十三卷漢九江太守戴德撰明覆宋本有淳熙乙未歲後九月潁川韓元吉跋畧云予家舊傳此書嘗得范太史家一本校之篇卷悉同其訛缺謬誤則不敢改益懼其寢久而傳又加舛也乃刊置建安郡齋庶可攷焉

宋刻玉篇殘本儀顧堂題跋云南宋時蜀浙間坊刻最爲風行閩刻往往

於書之前後別有題識序述刊刻原委其末則曰博雅君子幸毋忽諸乃書估惡札蜀浙本則無此種語此書字體與余所見宋季三山蔡氏所刻內簡尺牘陸狀元通鑑相同証以篆法前題語其爲宋季元初閩中坊刻無疑也書中恒字缺筆敬楨慎瑗皆不缺或者疑非宋刻不知廟諱或闕或否官書已不能畫一周益公敘文苑英華曾言之况坊刻乎不必因此致疑也

廣韻一函五冊

宋版經部

天祿琳瑯書目云不著撰人姓氏書五卷前孫愐唐

韻序書內匡字紐下十二字皆闕筆餘如二十一敬二十六桓諸諱皆不避以版式參之乃麻沙本也四庫全書總目云麻沙小字本末題乙未歲羣經音辨七卷天祿琳瑯書目云宋賈昌朝撰後刻紹興壬戌王觀國序汀州甯化縣學鏤版蓋是書初刻于仁宗時昌朝親與其事南渡後再刻于臨安國學時紹興九年己未越三年紹興十二年壬戌汀州甯化縣鏤版知縣事王觀國爲後序蓋宋時第三刻也

福建版本志

經部

七

古今韻會舉要小補三十卷永嘉方日升編輯

明萬曆刊本

善本書室藏書志

云建陽令周士顯刻之

福建版本志卷三

史部

史記索隱唐司馬貞注書一百三十卷天祿瑤瑤書目云末卷載嘉祐二年建邑王氏世翰堂鏤版前有刻書序不著名氏云平陽道參幕段君子成求到善本募工刊行蓋重刊者也

宋版史記敦書咫聞云麻沙坊刻殷字缺筆有脫脫朱文圓印唐白虎方印鄞縣盧氏抱經樓藏

史記題評一百三十卷明李元陽輯訂善本書室藏書志此本爲嘉靖十六年太和李元陽中溪按閩所刊亦具三家注惟索隱述贊不錄而集諸家評語於書眉其不係名氏者則中谿說也

宋本漢書一百二十卷楹書隅錄云每半葉八行行大十六字小二十一字目錄前木記云建安蔡琪純父刻梓於家塾考黃堯圃百宋一廬賦後漢書注云殘本二嘉定戊辰蔡琪純父所刻此本自是同時授梓者志第

福建版本志

史部

一

九列傳第四十五第四十六第四十七上第六十九上中均以別本配補每半葉十行行大十九字小二十二字每卷末識云右宋景文公手校云云卽慶元嗣歲劉之同本也近時瞿木夫吳槎客錢警石集皆載有蔡刻殘卷頗疑爲之同本蓋未見卷首木記耳

案善本書室藏書志只有漢書殘本十四卷定爲宋嘉定建安蔡琪刊本

漢書一百二十卷善本書室藏書志云是書次行顏注銜名每葉二十行行十九字注二十五字至二十八字不等宋諱有缺筆版心注大德至大延祐元統補刊蓋宋刊元修之本愛日精廬藏書志有是帙并有後漢書款式補修與此悉同目錄之外前後無一攷證滬上更以此書來售按之卽屬此刻惟將次行顏注銜名改題鎮守福建都知監少監括蒼馮讓宗和重修卷末有天順五年孟冬讓修刊福唐郡庠書版跋云予奉命來鎮福建福庠書集版刻年深詢知模糊殘缺過半不便觀覽心獨惻然鳩工

市版補刻云云始知宋刻於福唐者

前漢書一百卷善本書室藏書志云明嘉靖汪文盛刊本汪文盛高澂傅汝舟校天祿後目有麻沙小字本前漢書攷證云舊祇稱漢書此刻兩漢合刻故標題版心者加前字別之此本爲明嘉靖汪氏所刊每葉二十四行行二十二字版心亦加前字當出自元麻沙小字本而麻沙本又從景祐本出錢竹汀日記云漢書嘉靖本卷首題福建按察司周采提學副使周琬巡海副使何喬校刊末題嘉靖己酉年孟夏月吉日侯官縣儒學署教諭事舉人廖言監修今細案周采等銜名實自後加其中汪高傳名字尙有剗削未盡者

宋槧蔡琪一經堂本後漢書一百二十卷儀顧堂題跋云每頁十六行每行十六字小字雙行每行二十一字闌外有篇名宋諱有缺筆有不缺筆至甯宗諱止蓋嘉定戊辰建甯書舖蔡琪純父一經堂刊本琪所刻尙有前漢書行款悉同吳兔牀拜經樓藏有列傳十四卷珍同球璧不能指爲福建版本志 史部

二

何本核其款式卽蔡本也是書刻手精良字大悅目

宋本後漢書一百二十卷楹書隅錄云目錄後木記武夷吳驥仲逸校正題款一行

案義門校本中所記隆興二祀麻沙劉仲立本亦有此題款

後漢書一百二十二卷善本書室藏本志云明嘉靖汪文盛刊本汪文盛高澂傅汝舟校楹書隅錄云閩本係嘉靖己酉按察使周采等校刊其原出於宋刻

案周采事已詳前漢書下

漢書考正後漢書考正六冊不著撰人姓名前後亦無序跋卷末有至正三年勤有堂刊木記當從元刻本影鈔者

三國志榕鄉風味云嘉靖初福州太守汪文盛刻陳壽三國志歐陽公五代史當時校勘者爲高山人澂傅山人汝舟三國志今不復存

新唐書二百二十五卷

宋刊本

日後有牌子云建安魏仲立宅刊行士大夫

幸詳察之行書兩行

五代史記七十四卷題宋歐陽脩撰徐無黨注明汪文盛高濂傅汝舟校有陳師錫序每葉二十四行行二十二字版式與文盛所刊兩漢書同惟字略肥文盛所刻儀禮注疏兩漢書及此書皆有高傅兩人同校也

宋刊本資治通鑑綱目天祿琳瑯書目云宋朱熹撰五十九卷書錄解題載朱子綱目云刻於溫陵別其綱謂之提要鐵琴銅劍樓藏書目錄云後有武夷詹光祖重刊於月崖書堂一行卷一與卷五十九後俱有建安宋慈惠父校勘一行張月霄氏謂惠父即編提刑洗冤集錄者爲淳祐間人遂定爲淳祐刊本

資治通鑑綱目外紀一卷前編十八卷綱目五十九卷續編二十七卷外紀四明陳子桎輯前編仁山金履祥編綱目朱子撰續編明大學士商輅等奉敕纂修善本書室藏書記云是書當是明麻沙坊賈併刻

陸狀元集百家注資治通鑑詳節一百二十卷宋會稽陸唐老集注建安福建版本志

史部

三

蔡文子校正兩宋樓藏書志云此南宋麻沙本每葉二十八行每行二十三字小字雙行每行二十六字朗殷匡貞恒桓慎構皆缺避

皇王大紀八十卷宋胡宏撰萬曆辛亥高安陳邦瞻序稱宋代止漕治一刻近傳益少余人間始得之諸生馬欽爲重刻者也

續宋編年資治通鑑十八卷朝散郎尙書禮部員外郎兼國史院編修官李燾經進目錄後有武夷王奉劉深源校定一行又建安朱氏與耕堂刊本記大約麻沙坊賈託名之書也

續宋中興編年資治通鑑十五卷通直郎戶部架閣國史實錄院檢討兼編修官劉時舉著善本書室藏書志云目錄後有陳氏餘慶堂刊六字又有本記云是編繫年有考據載事有本末增入諸儒集議三復校正一新刊行宋朝中興自高宗至於甯宗四朝政治之得失國勢之安危一開卷間瞭然在目矣幸鑒則爲麻沙坊刻矣

通志二百卷宋鄭樵撰善本書室藏書志云舊有至治壬戌吳繹序有繹

可堂吳氏兩木方印至治元年福州路總管可堂吳繹募刻通志疏後有至治二年九月印造福州路總管府所委提調官錄事司判官七人銜名吳序云是集梓於三山郡庠既獻之天府藏之秘閣下北方學者猶未之見乃募僚屬捐已俸募印五十部散之江北諸郡云云據劉壎隱居通議云近大德歲間東宮有令下福州刊通志凡萬餘版是此書成宗時已刻於閩中繹摹印頒行記歲月於後非繹所刊今吳繹序疏等已佚去版式甚大每葉十八行行二十一字

案天祿琳琅書目略同

蜀漢本末三卷

元刊本

元信都趙居信輯鐵琴銅劍樓藏書目錄云居信號

東溪書作於至元戊子至正己丑嗣子某守建甯出其書示建安書院山長黃君復刻之末有建安詹璟刊一行

李忠定公奏議六十九卷附錄九卷

明刊本

前有山陰胡文靜莆田林俊二

序明正德間文靜爲福建巡按御史所刻

福建版本志

史部

四

宋板諸臣奏議一百五十卷目錄四卷宋趙汝愚編儀顧堂集云忠定在日曾毀木蜀中後毀於兵其孫必愿帥閩重刊未就眉山史季溫繼成之前有宗室希瀚及淳祐庚戌福建提刑史季溫序張月霄所藏板心間有元大德至大補刊字樣此本爲黃俞邵舊物有晉江黃氏父子珍藏印尙無元修之板當爲元大德以前印本然闕葉已與藏書志所記同矣宋大詔令二百四十卷直齋書錄解題云寶謨閣直學士豫章李大異刊於建甯云紹興間宣獻公子孫所編纂也郡齋讀書志云嘉定三年刊國朝名臣事略十五卷元趙郡蘇天爵伯修輯目錄後有元統乙亥余志安刊於勤有書堂一條

神宗皇帝卽位使遼語錄一卷有慶元三年五世從孫朝請大夫權發遣汀州軍州兼管內勸農事提點坑冶曄拜手謹題云先正文哲公家集二十五卷先君少師頃歲刊於章貢郡齋垂三十有七年字將譌闕曄今刊於臨汀郡齋附以治平使遼錄一卷於後

故唐律疏議三十卷唐太尉揚州都督監修國史上柱國趙國公長孫無忌等撰卷末有崇化余忘安刊於勤有堂至順壬申五月印二行
農桑輯要一編熊禾序云大司農頒行之書也前建安郡丞張侯某刻而傳之

國語二十一卷吳韋昭解天一閣書目云明閩中葉邦榮刊亦有生齋集校正國語云予嘗得嘉靖間閩中葉邦榮雕本注多譌舛又得常熟錢遵王印寫宋刻本校之而宋本之譌亦復不少因與門人嘉興戴經互相勘證以求其是

戰國策天祿琳瑯書目云卷末有嘉定五年夏月世綵堂刊木記其左右邊闌墨綫俱就板中分行綫痕湊成木記之式其爲僞造顯然

宋版十七史詳節天祿琳瑯書目云宋呂祖謙撰書一百七十三卷建陽書坊以袖珍本陸續刊行故每篇標名不畫一

明板十七史詳節三函二十四冊天祿琳瑯書目云篇目同宋版每卷首

福建版本志

史部

五

或刻建陽劉克莊梓或刻建陽慎獨齋或刻建陽木石山人劉宏毅其例不一建陽自宋爲刻書之肆劉氏慎獨齋世其業而劉宏毅乃明時人首標克莊著其先世名人耳

宋版史記詳節呂祖謙編敦書咫聞云節錄史記附索隱述贊及蘇氏古史麻沙坊本或云元刻

宋板東萊先生晉書詳節宋呂祖謙撰天祿琳瑯書目云卷一有建安慎獨齋刊一行乃建陽書坊以前本翻刻者

宋板讀史管見八十卷儀顧堂題跋云前有淳熙壬寅簽書平海軍節度判官孫胡大正序後有大正識據序淳熙以前無刊本至大正官溫陵始刊於州治之中和堂爲此書初刊本其後嘉定十一年其孫某守衡陽刊於郡齋并爲三十卷

建甯人物傳四卷天一閣書目云明李默撰建陽縣李東光校刊

方輿勝覽天祿琳瑯書目云宋祝穆編七十卷書首有咸淳二年六月福

建轉運使司禁止麻沙書坊翻版榜文

太平御覽一千卷善本書室藏書志云宋纂三大書太平御覽冊府元龜
閩蜀有刻本惟文苑英華不大行於世

新編排韻增廣事類氏族大全天祿瑯瑤書目云不著撰人名氏書二十
卷其事蹟迄於南宋之季蓋元時人所編麻沙版梓行

古列女傳天祿瑯瑤書目云漢劉向編八卷每傳有圖晉顧愷之畫目錄
後刊建安余氏印書中或稱靜菴余氏模刻或稱余氏勤有堂卽岳珂九
經三傳沿革例所稱建余氏也

唐史論斷三卷宋陽翟孫甫著附錄朱彝尊跋云紹興中曾鏤版南劍州
端平間復鐫於東陽郡今則流傳寡矣

福建版本志卷四

子部

賈誼新書儀顧堂題跋云宋刊本日後有建甯府陳八郎書舖印一行蓋南宋麻沙本也

新刊劉向先生說苑二十卷善本書室藏書志云元麻沙小字本

北宋本揚子法言十三卷音義一卷楹書隅錄云揚子法言通行者世德堂五臣音註十卷本其源出纂圖互註乃宋元之間建安書坊中人所併合改竄皆非復各家真面目也

纂圖互註六子全書四函二十四冊天祿琳瑯書目云建陽麻沙本蓋南宋坊刻九經皆有纂圖互註本此亦如之其互註皆標白文圖亦寥寥至以莊子書有太極語便以周子太極圖附之更爲牽引但諸書皆古註闕筆極爲謹嚴則固宋本之精確者龔序但言五子不及文中一字則坊賈謬取以冠首也

福建版本志 子部

一

纂圖互註楊子法言十卷

元刊本

後有墨六行云本宅今將監本四子纂圖

互註附入重言重意精加校正並無訛謬謄作大字刊行務令學者得以參考互相發明誠爲益之大也建安□□□謹咨

張子語錄三卷後錄二卷

宋刊本

不題名無序跋惟卷末有後學天台吳堅

刊於福建漕治二行

河南程氏遺書天祿琳瑯書目云宋朱熹輯二十五卷附錄一卷外錄十三卷後附文集十二卷又元譚善心輯遺文一卷末載趙師耕麻沙本後序稱二程先生文集憲使楊公已鏤版三山學宮遺書外書則庾司舊有之後俱燬于火師耕承乏來此亟將故本易以大字與文集一體刻之後圃明教堂云云按陳振孫書錄解題載河南程氏文集十二卷謂爲建甯所刻本載在集部不與遺書合錄子部之中是振孫所指建甯本爲楊公所刊而以一體合刻則自師耕始也

龜山先生語錄四卷後錄二卷

宋刊本

末有題字兩行云後學天台吳堅刊

於福建漕治與張子語錄同

童蒙訓三卷宋呂氏本中居仁撰仿宋刊本有嘉定乙亥四明樓昉跋云前此

長沙郡龍溪學皆嘗鈔本而譌舛特甚

朱子語類一百四十卷宋刊元修本有咸淳初元吳堅建安刊別錄序

胡子知言宋胡宏著一卷後錄一卷前宋張栻序天祿琳瑯書目云此書兩卷後別行皆刻後學天台吳堅刊於福建漕治

西山先生真文忠公讀書記甲集三十七卷乙集十六卷丁集八卷宋真德秀撰有開慶改元門人番陽湯漢謹書略云讀書記惟甲乙丁爲成書甲丁二記近年三山學官已刊乙記上則大學衍義其下卷未及繕寫學者罕見之漢來建安請於先生嗣子仁夫傳鈔校定釐爲二十二卷將欲刊之倉臺適福之郡文學吳應丑以書來曰願得併刻以備一家之言乃授之而助其費之半云云

新刊音點性理羣書句解二十三卷宋熊節編建安後學熊剛大集解

福建版本志 子部

二

宋樓藏書志云宋麻沙刊本

將鑑論斷十卷鐵琴銅劍樓藏書目錄云宋時有麻沙本成化間廣安守許某得其本於蘇州范氏刻之有王鉞跋

老子道德經四卷宋刊本目錄後有建安虞氏刊於家塾一條

新刊晞范句解八十一難經周盧國秦越人撰宋翰林王惟一校正臨川晞范子李駒子埜句解宋樓藏書志云宋麻沙刊本

袖珍方大全二函八冊天祿琳瑯書目云不著撰人名氏序後有識盛稱是書

之善而遠方難覲里人劉文英于京師求得之宗立校讐付梓云云熊宗立字遊軒建陽人此本爲麻沙版式

太平惠民和劑局方十卷附指南總論二卷元刊本宋陳承裴宗元陳師文

同輯目錄後有建安宗文書堂鄭天澤新刊一行尙有建安高氏日新堂刊本曝書亭所藏竹垞氏有跋

鍼灸資生經七卷護德瓶齋涉筆云葉氏廣勤堂刊蓋麻沙本也

新刊河間劉守真傷寒直格三卷後集一卷續集一卷張子和心鏡一卷
金劉守真撰臨川葛雍仲穆編校後集瑞泉野叟錙洪輯編臨川華蓋山
樵葛雍校正續集平陽馬宗素撰述臨川葛雍校正心鏡門人饒陽常惠
仲明編有建安虞氏刊行一行

世醫得效方二十卷元刊本元南豐危亦林著至正五年建甯路官醫提領
陳志刊有序

潛虛一卷宋司馬光著潛虛發微論一卷張敦實著天祿琳琅書目云後
有淳熙壬寅陳應行跋以邵武舊本參刻郡庠是時應行為泉州教授應
行建安人鐵琴銅劍樓藏書目錄云此本完善無關即朱子所見泉州本
目爲贗本也然當時建陽邵武俱有刻本邵武缺繇辭此乃陳應行乞諸
公會孫溫陵守某得家藏全本合發微論以刊者

考古圖十卷宋呂大臨撰詔宋樓藏書志云此元麻沙刊本每葉十六行
每行十七字

福建版本志

子部

三

東觀餘論十卷宋黃伯思撰有紹興丁卯充福建路轉運司主管文字黃
訥跋云訥紹興初寓居福唐以先人秘書學士校定杜子美集二十二卷
槧本流傳暨任時司屬官已後開刻校定楚詞十卷翼騷九詠小楷黃庭
內景經摹勒索靖急就章各一卷今任復以先人所著法帖刊誤秘閣古
器說論辯題跋共十卷總目之曰東觀餘論及校定汲冢師春刻版於建
安漕司先世遺書遂行於右文之旦

衍極五卷讀書敏求記云龍溪令趙敬叔爲之鋟梓以傳

新編古今事文類聚前集六十卷後集五十卷續集二十八卷別集三十
二卷新集三十六卷外集十五卷遺集十五卷元刊本宋祝穆輯新集外集

元富大用輯遺集元祝淵輯鐵琴銅劍樓藏書目錄云合刻此書疑出建
陽書肆所爲

山堂考索前集六十六卷後集六十五卷續集五十六卷別集二十五卷
首題山堂先生章俊卿編輯建陽知縣區玉刊行縣丞管韶校正

宋本重修事物記原二十卷宋高承撰儀顧堂集云目錄分上下目錄上之末有木記云此書求到京本將出處逐一比校使無差謬重修寫作大板雕開並無一字誤落時慶元丁巳之歲建安余氏刊蓋甯宗時麻沙本也

案記原一作紀原二十卷一作二十六卷目錄二卷

百川學海儀顧堂集云每葉二十八行行二十字板心有百川學海四字分二十卷廓字註甯宗廟諱宋理宗時刊本是書世所行者有前明及國初兩刊明刊每葉二十四行行二十字以十干分十集板心無百川學海四字聖門事業圖亦列卷首而以洞天福地記居末其餘次序亦多不同惟先後雖紊而全書無恙至國初刊本乃說郭所改刪削過半名存而實非矣此本審其格式當是宋時麻沙坊刊完善無缺著錄家所罕見也

元本新箋決科古今源流至論前集十卷後集十卷續集十卷別集十卷前集目錄後有碑版略云源流至論一書板行於世久矣先因回祿之餘

福建版本志

子部

四

遂爲缺典本堂今求到邑校官孟聲董先生鏤鈔本便欲刊行惟恐魯魚亥豕者多更訪購到原本端請名儒重加標點參考無誤仍分四集敬授諸梓口口彊圉協洽之歲仲夏建陽書林劉克常謹識

增類撰聯詩學欄江網七十卷天祿琳瑯書目云不著撰人姓名麻沙袖

珍本極工細

括異志十卷

舊鈔本

宋襄國張師正纂目錄後有建甯府麻沙鎮虞叔異宅

刊行一行

容齋隨筆十六卷續筆十六卷三筆十六卷四筆十六卷五筆十卷宋洪邁撰有嘉定十六年姪孫知建甯軍府事仍謹識略云仍頃守章貢後公四十年以其書鏤於郡齋謁來守建又後公四十三年於是復鏤此書於建又臨川周謹跋云容齋隨筆初刊于婺女自續至五繼刊于章貢然歲久字漫紹定改元偶得建溪刊本詳加參校命工鏤梓云云

七修類稿五十一卷有方園木記略云拙稿初爲備忘討論相知展轉錄